




聖經精義

第四冊  
天主降生言行紀畧  
卷六至七卷八

史氏聖傳

III IX





耶穌受苦冠茨辱





甲 當年教主  
蓋法氏、  
乙 發利塞俄  
與般地非噴  
二黨人、  
丙 耶蘇活辣  
羅珠黨人妬  
忌益深、  
丁 耶蘇多行  
靈跡、民益信  
從、主於衆民  
前、責二黨過  
惡、故若輩決  
計害之、



天主降生言行紀畧卷之六

極西艾儒畧述

異學妬謀耶穌

第一  
章

發利塞俄與般地非噴

即掌教者

二黨之人多惛悖自滿不認耶穌

爲天主又腳耶穌責其過惡聞辣雜祿復活聚族謀曰吾輩奈

彼何彼所爲奇績如此殊多若姑任之人皆歸從將奪吾位吾

教且廢吾國亡矣奈何其在般地非噴位者歲推一人主教事

是年主者名蓋法氏宣言曰爾輩不知所以寧一人死以免衆

人死

聖若望曰此言非蓋法所自吐乃因當年掌教天主嘿導之言使人知耶穌死實爲萬民死萬民僉賴其死之功而



甲 耶穌基督

往都城、

乙 協露撒稜

城、

丙 先知者所

言耶穌事、如

被執、詣掌教

轉界異邦人

并受辱凌、鞭

撻、銅死、及死

後第三日復

活等是、

丁 宗徒聞言、

不悟所云、



諭訓二徒求尊位者 第三

章

耶穌正行間。雅各伯若望兄弟暨其母羅拜於前曰。吾師乎。願允我求。耶穌曰。何求。母曰。惟祈爾國。俾我二子一於爾左。一於爾右。同坐。耶穌曰。爾不知所求。爾能飲我將飲之爵乎。

爵者苦難之謂

飲爵喻言受難也。

對曰能。耶穌曰。固知爾能飲之。但坐在左。坐在右。非

惟我所與。乃吾父所定也。諸宗徒聞之。不懼。耶穌命衆徒就前。諭之曰。世間有權勢人。咸自尊大。俾其下位。唯諾奔走承命。爾輩勿然。爾輩中見有示尊於爾者。必固抑之。俾事爾。有欲先爾輩者。必固後之。爲爾僕役。試觀我爲人子者。不欲人事我。惟以

我事人。而且爲人委身也。時已近葉禮閣城矣。

葉禮閣開矇

第四章。

耶穌將入葉禮閣城。有矇者乞於道。聞人衆聲。聞知是耶穌過。  
大聲呼曰。達未之子憐恤我。耶穌止。命扶以來。問曰。爾何欲。曰。  
願賜我得視。耶穌曰。爾開目見矣。以爾信教爾也。矇者卽見。且  
從耶穌。稱揚謝恩。衆亦皆稱頌焉。



甲 耶穌行近

葉禮閣城、

乙 道傍曇者、  
聞聲詢何事、

丙 衆人告耶

蘇將至、

丁 乞丐求憐、

耶蘇命扶之、

并賜其明目、

戊 追隨耶蘇

之人大讚其


能、

己 耶穌於葉

禮閣城、愈二

曇人、

庚 葉禮閣城、



化富者散財

第五 章

耶穌入葉禮閣有補利葛諾貪吏之長名雜格俄者家甚富欲見  
耶穌。耶穌簇擁人衆。彼身短小。不得見。乃先期耶穌必繇之路。  
升木而望之。耶穌至。仰首呼曰。雜格俄速下。我今當止爾家。其  
人急下迎歸。衆竊議曰。罪人之門焉可往哉。比入其家。雜格俄  
於耶穌前。感悔交發。告曰。願以家貲之半。散濟貧乏。但有非義  
取者。請四倍償之。耶穌曰。今日救此一家矣。此亦亞罷郎古聖人名。子孫。我亦念彼敗亡者。故救之。

喻天賞計功

第六 章

耶穌將詣都城受難。寓言曉衆曰。有國君將遠行。召其臣十人。語之曰。畀爾帑金各若干。爲我營息。其君返。數臣以一獲什。君曰忠小事。大事克謹可知。封十城。又數臣一而獲五。封五城。乃有一臣曰。臣畏君嚴。嘗見不種而欲收。故重襲於斯。君曰。惡吏。姑就爾言以判爾。既知我不種而欲收。爾更宜多營。竟不營乎。命取其所畀。轉畀諸獲什者。侍者曰。彼已多矣。復益之乎。君曰。獲多者固宜益其多。獲少固宜併奪其少。不事君事。吾將誅之。

葉禮閣再開三牒

第七章

耶穌出葉禮閣城。又有牒而乞者二人。聞耶穌過。求救。或禁其

聲。復大呼。耶穌憐之。卽以手點其目。目輒明。耶穌復行。又一瞎者。乃的侔之子。名罷的侔者。聞耶穌過。興聲呼曰。耶穌達未之子。憐恤我。衆有止之者。亦頻呼不已。耶穌命之來。有慰之者曰。汝宜安。耶穌已召爾矣。亟就之。其人奮躍棄衣而前。耶穌問汝求何事。答曰。願啓吾目。耶穌曰。以汝之信救汝也。其目頓開。隨從耶穌。

宴中微示受難

第八章

耶穌於巴斯寡前六日。往伯大尼亞。卽前救辣雜碌復活處也。有洗茫者。欵耶穌。辣雜碌與席瑪。而大亦有所供。瑪大勸納則。

注香於美玉餅。伏耶穌前。以香液沃耶穌足。復以己髮拭之。旋  
碎其餅。以液注耶穌之髮。香馥滿室。茹達斯貪徒在側。謂此珍  
異香液。持以易價。可得銀錢三百餘。即可濟貧。耶穌曰。爾勿擾  
此婦。彼所行之事。善事也。貧者爾衆中時有。爾欲施之。隨時皆  
可。若我在爾衆中。則不常有。以彼液施於我。則先我葬期。爲之  
傅焉者也。凡殮死以液傅屍。令不敗壞。耶穌自指受難之期已近。此時如德亞人。聞耶穌  
所在。多趨視之。非徒欲見耶穌。乃欲見復活之人。辣雜瑣也。掌  
教諸人。心妬辣雜瑣之復活。欲殺之。以杜人民之信從者。



甲 洗足具餐

欸耶穌、

乙 耶穌暨辣  
雜珠與席

丙 瑪大勒納、

以香液注耶

蘇髮、

丁 茹答斯稱

香液可易價

濟貧、

戊 瑪爾大供

物、

己 瑪大勒納、

以香汁沐耶

蘇首、



聖保羅大學

Saint Paul's University

VERITAS

PICTORIUS

PICTORIUS



甲 協靈撒種

都城、

乙 都人士聞  
耶穌至出城

迎接、

丙 門徒奉命

牽驢，披衣驥

背、請耶穌坐、

丁 諸門徒隨

都城、

從耶穌同人



音也原未歸人乘此  
之日請書

入都城發歎

第九章。

耶穌往都城。道經白發熱村。近城五里。阿理襪山。命徒二人曰。爾往

近城五里。

阿理襪山。

命徒二人曰。

爾往

對山之邑。則見羈轡二驢。牝者母。駒者子也。駒未經人乘。宜牽

以來。如有問者。爾語之曰。主欲用之。彼必卽許也。蓋符先聖所

言曰。爾勿懼。爾主極慈善。乘母驢與駒。詣於爾所。故耶穌有此

舉也。當時宗徒未解。第詣其處。果見二驢。如命牽之。主人問。如

命答之。驢至。宗徒解衣披驢背。請耶穌乘之下山。都城士民多

見聞。耶穌復活辣雜祿異事。比知將至。填塞通衢。歡趨奉迓。有

解衣鋪地。弗使驢足沾泥者。有折花枝布地者。有擎樹枝簇擁

先驅者。前後左右。贊頌無已。皆舉聲曰。賀三納。

卽祝願贊美之辭

達未

之子。因主之名而來者。上天下地。咸宜讚頌。衆口齊歌云。凡隨

吾者。皆爲殊福兮。望主福我於天上兮。有發利塞俄之人。見贊

美齊聲。欲止不能禁。乃向耶穌曰。吾師。宜禁諸弟子。耶穌曰。縱

使能禁人聲。石亦未免發聲也。發利塞俄輩。私相謂曰。今奈之

何。且遍天下而從彼矣。耶穌行近城郭。遂指而揮淚。慨歎城中

衆迷曰。嗚呼。爾有所障隔哉。而不能識此太平日。將必有敵兵

之圍。爾子孫離析。城之石無聯合者。災害非常。繇汝不識臨爾

拯爾者致然也。厥後此城果被焦滅矣。



甲 伯大尼亞 邑、辣雜珠復活處。  
乙 耶穌騎驢近都城。  
丙 衆人擎枝地讚頌耶穌。  
丁 則端溪都人士迎耶穌入城。  
戊 耶穌救患病人。  
己 耶穌入聖殿，逐貿易之人。  
庚 耶穌入聖殿，逐貿易之人。  
辛 聖母同諸聖女遙望耶穌。



聖美善真



VERSITY

AS BONITAS

PULCHRITUDO

VERITAS



甲 協露撒稜

聖殿、

乙 耶穌入聖

殿見禽獸錢

貨錯雜其間、

麾之使去、

丙 在殿商人、

丁 殿前有盲

跛者耶穌一

戊 一愈之、

己 在殿諸童

子歡呼賀三

子、

納達末之子、

二黨人欲

童子止唱耶

穌言讚美之

詞出赤子口、



VERSITY

再淨都城聖殿第十章

耶穌既入都城。闔城人士咸震動致問焉。從者謂曰。是乃耶穌  
玻羅弗大聖者也。耶穌入聖殿。見貿易禽獸錢貨者。錯雜其間。  
麾之去。復禁携雜物往來者。謂衆曰。爾不知經中言乎。聖堂乃  
祈禱之所。豈可以此爲盜藪耶。

都城聖跡

第十章

掌教及學士諸人。日夜圖害耶穌。顧多人恪奉。計無所施。此時  
復有盲者跛者。咸詣耶穌前。一一爲起其疾。童穉亦歡呼曰。賀  
三納達未之子。二黨人更增嫉妬。欲止之不能。謂耶穌曰。爾不

聞其言乎。耶穌曰。爾不聞經中所謂贊美之言。成於赤子之口乎。

迫言受難

第十  
二章

時有異邦人欲詣聖堂瞻禮。先謁宗徒斐理伯而請曰。吾欲見耶穌。不識可使見乎。斐理伯語諸德肋。共引之見耶穌。耶穌曰。人子顯揚之日。指受難。蓋繇此而聖名顯揚于萬民也。已至矣。我實告爾。麥實不落地而死。惟一粒耳。若死則發生多矣。指以己死救贖萬民。又曰。愛其生命者。反失其生命也。苟能於人世惡其生命。卽保之常生矣。有欲事我者。宜從我。我所止。從我者亦必止焉。有事我。我父必加

榮焉。又動容儼然向天曰。吾父當此之時。宜有顯明爾名者矣。忽自天發聲應之曰。我已顯明。但後更有顯明矣。斯時衆共聞之。有謂天神與之語者。耶穌曰。此聲非爲我。乃爲爾也。茲當判世之時。判猶言救也。彼僭爲世主者。指邪魔。必被放逐焉。人子者。舉身高於地。指被釘十字架上而言。則萬物相引。咸趨附矣。衆人曰。經云契利斯督恒在此。今奚以曰人子者。舉身高於地。不識人子者爲誰。耶穌曰。爾心之明。尙微小也。爾宜乘此微光趨行。否則暗至。卽行亦不知所之矣。語畢。周視衆人。因暮出郭。往伯大尼亞。同宗徒十二托宿焉。

都城罰樹警人

第十  
三章

次日耶穌自伯大尼亞入都城。腹少饑。見路旁肥菓樹葉甚茂。往覓取之。無一實者。曰汝後永不實矣。言訖而樹遂槁。

噫樹木無靈之

物曾有何罪可罰。政吾主借此以警如德亞國與夫後來之人。既每望其結實爲善。而竟無可取。安能免於枯伐耶。至暮。

耶穌還伯大尼亞。

諭宗徒信主赦人

第十  
四章

次日再自伯大尼亞入都城。經槁樹下。伯鐸羅奇之。向耶穌曰。吾師昨降災是木。今槁若是矣。耶穌曰。豈惟是哉。汝輩之信天主。若無毫忽之疑。卽命山自拔而移之海。亦可爲也。凡能眞信

上主無有不爾遂者。其禱時有憾於人。爾宜赦之。則在天爾父。亦赦爾之罪矣。若爾不赦。彼在天爾父。亦不赦爾矣。

警異端疑主

第十五章

耶穌講道堂中。其掌教與諸吏胥及老宿者。凡三種人。未省耶穌爲眞主。乃聚而問曰。若斯所用之權。孰與之乎。耶穌曰。我亦有問。爾能答。我亦答焉。夫若翰授洗於人。天主與之乎。人與之乎。三種人沉思良久。將謂天主與。則何爲不從。將謂人與。則必拂衆而被擊殺。蓋若翰爲前知之聖。人所共知。不敢妄議者。乃作違心語曰。不知也。耶穌曰。我亦不與爾言。權能何自矣。耶穌

又訊衆曰。人有二子。初命一子躬耕。方命不往。少焉自悔而往。  
嗣命一子躬耕。其子受命唯唯。然竟不往。斯二子者孰臧孰否。  
衆應曰。初命者臧矣。耶穌曰。我實語爾。罪人與妓女。其所得天  
國。必先於爾輩也。何者。若翰以眞道誨爾。爾不能信。彼罪人與  
諸妓。顧能信焉。既見彼之悔而信。爾尙不克自悔而信。則其信  
之先者。得之亦先。可知也。

SANCTA  
PULCHRITUDO



甲 耶穌詣聖殿

設喻警人

乙 家主植葡萄園

遣使者空返

丙 家主構樓閣

具樂繡繩

丁 收稅者被

撻使空返

戊 園主再三遣僕

己 僕人又被傷斃

庚 園主遭子欲人悔過

辛 愛子又被殺

壬 園主遭子欲人悔過

癸 愛子又被殺



警異端害主

第十  
六章


耶穌設喻曰。有人構樓閣池沼藩籬燕樂。供具咸備。自處他所。召人居之。居者宜輸稅焉。乃至期不輸一錢。主人遣人往索。殺之。又遣。又殺之。復益人徒以往。彼又或傷或殺之。主人不獲已。遣其愛子。謂必起敬悔禍。乃怙惡滋甚。謂去彼愛子。則田廬可爲我有矣。并殺之。爾輩何以處此。僕曰。是極惡人。罪不容誅。其田廬宜別召耳。


此指如德亞人初受聖教之傳。乃不知遵守。卽古來天主所遣諸聖。多爲其人所害。奈天主親

子降生救之。又有不敬而竟圖害者。故如德亞人必將遭主譴。而天主聖教又傳之他國。其欽崇而嚴守。視如德亞國人尤先也。下文所謂棄石後爲大廈礎。亦指吾主耶穌。被國人所忽。而天下萬民識認爲真主者也。

耶穌曰。爾不聞

經中之言乎。構居者所棄之石。後爲大廈礎。此上主所爲。吾儕目爲奇絕者。又向衆曰。天主之國必脫離爾輩。而異人任也。凡有傾跌於礎上者必碎。若礎覆壓人上亦必碎。此時船地非墳與發利塞俄之人。明知耶穌隱指彼輩。欲害之。然尙不得。以衆人咸敬如玻羅弗大聖也。





甲 聖堂廊廡、耶穌訓衆處。  
乙 國君在殿、與太子王妃共張大筵。  
丙 國君遣使邀賓、賓多托故辭不赴筵。  
丁 使者受辱、國君盛怒、命戮其人、燬其居。  
戊 再命使者招他賓赴席。  
己 賓至列坐。  
庚 宴中不具公服者國主命下之獄。



聖美善眞

IHS

VERSITY

SANCTA BONITAS

聖美善眞

警異端味主

第十  
七 章

耶穌又設喻以誨衆曰。有國君爲子婚娶。張筵召賓。賓皆不至。又遣人速之。衆賓皆不顧。各爲其所欲爲。有遊戲樂景者。有經營俗務者。甚有詈侮相加。且殘賊使者。君聞盛怒。戮其人。燬其居。然筵虛無人。因再命曰。向所召賓未堪享此。宜出康莊之衢。任覓諸人充之。不拘貴賤智愚也。須臾衆賓大集。君詣席徧觀。見有不具公服者。詰之曰。此行大禮之所。而若是褻乎。遂置獄加罰。噫。何被召者之多。而得與饗者之寡也。

此接上文而言。二黨人既不知尊崇

主恩。不能享天國。而他邦之奉教者。將享焉。然奉教人中。復有缺欽崇愛主真心者。如缺公服。故其中復有爲大主所黜者。

窮異端貢賦詰

第十  
八章

發利塞俄之徒。每被耶穌隱責。忿甚。謀害之而無繇。時如德亞臣服羅瑪君。設官蒞之。徵其貢賦。如德亞人不甘。然畏大國不敢抗。亦不敢訴免。發利塞俄之徒。以此難耶穌。若謂宜貢。則斂怨於衆。謂不宜貢。則又可質之羅瑪之官。以得罪大君討之。耶穌知其意。乃曰。僞善之徒。奚而探我。胡不以當貢之錢示我乎。其人卽出一錢與觀。耶穌曰。爾識錢所鑄號爲誰。其人曰。是乃羅瑪王之號也。耶穌曰。既爲羅瑪國王之錢。則當還之羅瑪國王。而天主之物。尤當還之天主矣。衆慚而退。



甲 都城聖殿

乙 耶穌洞燭

丙 奸類隱計  
發利塞俄

使者以貢賦

難耶穌

丁 錢鑄擇撒

爾像宜歸擇

撒爾

戊 殿中祭臺

明知天主之

物當歸天主

己 衆民咸訝

主答言

庚 發利塞俄

退



與異端論復活

第十  
九章

耶穌在堂中。撒都則俄一黨不明復活之理。難之曰。婦人有夫亡而再醮者。或至三四。乃至六七。不識異日復生。其妻當歸何人。耶穌曰。爾思之邪。總繇不識古經與天主之能也。人蒙復活之後。既無復死。則并無嫁娶。無生育。乃如天神。皆爲天主之子也。經中有言。天主乃亞龍郎之主。依撒時 撒都則黨人謂世界終盡謬引經言天主爲生者之主。非死者之主。然則古祖之魂。仍生之主。雅各之主。三古聖人名。

豈天主爲死者主乎。是知必爲生之主。而人必復生也。衆咸以

爲然。卽發利塞俄之黨。亦以爲然。

時 撒都則黨人謂世界終盡時。死人無復活之理。推其意。

以爲身死魂不能獨活。魂不獨活。卽身亦無以復生。耶穌知其

未死而復活之  
理亦從可知矣





甲、發利塞俄、

乙、明經學士

設難試耶穌、

問經中之誠、

孰先孰大、

丙、耶穌言天

主惟一、宜盡

心力以愛之、

外此則愛人

如已、

丁、宰牲祭臺、



諭異端認主

第二十章

衆人見耶穌應對咸宜。不勝歎服。有一學士復設難曰。經中之誠。孰爲最先最大。耶穌曰。天主惟一。宜先竭盡心力愛之。次則愛人如己。二者最大。總括古經諸聖之旨。其人明悟煥發。極口稱頌曰。誠哉一尊天主人。宜盡心力愛之。勝如宰牲奉醴以獻也。耶穌見其果悟。卽謂之曰。爾於天主之國。將不遠矣。此後諸僞黨無復他問。耶穌乃聚衆學士詰之曰。古經所謂契利斯督。是誰裔後。答曰。是達未裔後。耶穌曰。旣若是。則何故達未。又稱契利斯督爲主。而言曰。天主指罷德而言。對吾主指耶穌契。曰。坐於

吾右俟我以爾之仇。置爾足下。指審判事。諸人無以應。肅然起敬。不  
敢更措一語。蓋其衆素以契利斯督者爲一開創之君。而不悟經旨。雖云降生之身。爲達未之裔。實又指之爲天  
地主也。耶穌欲其推及大原。故發端如此。



甲 耶穌囑衆

人慎勿務外、

乙 發利塞俄、

豎解經士耶

穌惡若輩所

爲謂登梅瑟

之座而施訓、

其言宜遵、其

行不可法、

丙 登筵居高

座者、

丁 公堂據首





諭衆勿效務外者

第二十  
一章。

耶穌向弟子及衆人曰。有諸學士。及諸胥吏。登梅瑟之座而施訓者。其所言皆宜遵行。第勿效彼所爲。蓋彼等將難負之重任。必令人肩而已。則一指不欲舉之也。且按其行。務見知於衆焉。寬而帶。長而紳。賓筵喜居上位。公堂喜居首座。欲人尊禮之而稱爲師。爾輩切不宜以師稱。爾輩之師惟一故。但相昆弟可也。又不宜以世稱。稱爲父。在天之父。亦惟一故。爾輩中有自大者。則當爲爾輩役。蓋自揚者必抑。自抑者必揚焉。

論貧者施與之功

第二十  
二章。

耶穌坐於聖堂公櫈之傍。觀人投貲。古規。聖堂備有櫃櫈。凡入供奉及濟貧之需。諸饒財者。投頗多。卒有寡婦僅二銅錢。耶穌謂諸弟子曰。斯嫗也。其所投少。勝人多多許矣。他人出其有餘。彼獨能以不給者捐之故也。





甲 耶穌坐公

櫃側、貧嫠投

二錢於櫃、

乙 聖堂中櫃  
櫃、

丙 富人投捐

頗夥、

丁 貧嫠投櫃

二錢、

戊 宗徒悟耶

蘇之言、貧人

稍捨、功亦崇

隆、



聖美善真


撒肋德女聖

# 協露撒稜

此係天主降生時之圖

西

加來伯山





聖  
美  
善  
真



SANCTITAS BONITAS

PULCHRITUDO VERITAS

預歎都城將毀

第二十  
三章。

耶穌出。有弟子請曰。吾師嘻。觀斯殿乎。何其嵬壯若是哉。耶穌曰。吁。爾輩今日所見而羨者。異日必將全毀。併石無聯者矣。頃之。耶穌坐於對堂之山。伯鐸羅雅各伯。若望。及譜德肋。諸弟子密問曰。吾師所云。將在何時。厥兆如何。耶穌曰。斯城被圍。卽其期也。見枯荒醜惡。在聖所時。如達尼額預言者。乃降刑之日也。當是時。凡在國內者。宜逃諸山。在屋上者。不宜下取諸物。在外者。毋回携衣。人將死於鋒鏑。及被擄於異邦。都城蹂躪。氓庶離竄。惟懷孕抱子者。甚可憫也。

預言審判世上前兆 第二十

四 章。

宗徒復問吾主降臨及世界窮盡亦將有先兆耶。耶穌曰。慎勿爲人所誑。蓋將有冒我之名而來者。自云我乃契利斯督以惑於衆。其時將聞兵戈之興。及戰鬪之議。乃心勿搖。夫兵戈在所不免。然猶未也。必將民與民作亂。國與國爭奪。而隨處有地大震。及瘟疫饑饉。天變可驚。怪異可畏。從生人以來所未有者。若不蚤畢斯事。將舉世不能保一人。但爲天主所簡閱者。稍縮其期耳。斯時也。若有人向爾云。契利斯督在此在彼。慎勿信也。必有僞契利斯督及僞先知者。顯爲奇異。欲誑及夫簡閱諸人。爾

輩其慎之。我已預言之矣。人子之臨格。如霹靂閃爍間。自東徂  
西。凡身所在。啞己辣鳥畢聚焉。解見前時將有人誣爾。送爾於官。

禁於獄。見於諸王。爲衆所憾。此乃爲我以証道。爾輩不必豫思  
所當酬答之辭。我乃將與爾口舌智慧。爾仇所弗能敵。卽爾首  
一髮。亦不遺失。惟因爾之忍。永保爾之靈神也。於斯時也。人將  
彼此相嫌相怨。昆弟相負。父訟其子。子背其父。以至於死。克終  
其德者。方克保焉。第此教必先敷於八荒。以爲萬民之證。然後  
終盡詣格。

預言審判天上前兆

第二十  
五章

維時困難之後。日晦月冥。星隕墜。天德動變。諸異畢集。海湧濤  
洶。人將危迫。痛哭。且因其驚惶已甚。身如枯槁。然後人子之號。  
指十  
字架現於中天。始見人子赫赫威嚴。駕雲而降。遣其天神。從天  
壤四風聚諸善人。爾輩見此。卽當舉目翹首。忻望爾等眞福已  
邇。以木取喻。見其生葉結實。必知夏期非遙。見是諸效。卽知天  
國非遙。我實語爾。斯代人未滅前。余所言諸事。一一必驗。天地  
可毀。我言必不失也。



甲 民與民鬭、國與國爭。  
 乙 全地大震、民不勝驚。  
 丙 饑疫盛行、災民待斂。  
 丁 昆弟相負、怨忿自戕。  
 戊 父訟子子、背父。  
 己 傳教士勸勉教友善保。  
 庚 日月星辰、各顯異變、厭靈。  
 辛 天火降世、海濤覆舟。  
 壬 十字聖架、現於空中、天神吹號喚死人復生、死者復活。





甲 愚女備燈

迓婿假寐以

待、

乙 智女亦備

燈以待、

丙 愚女備燈

無油、

丁 智者備燈、

兼備油壺、

戊 夜半新婚

抵至、

己 迎婚者、張

號鼓樂而至、



聖美善眞



VERSITY

PULCHRITUDINIS ET VIRTUTIS

諭衆宜醒以候審判

第二十  
六章。

耶穌又曰。天國臨格。譬十女備燈。以迓新婚者。其中愚狂五。智五。愚者具燈不備油焉。智者則畢備之矣。婚者延遲。彼此皆假寐。迨午夜。婚者且至。十女將以燈迎。愚乃向智者曰。幸分爾油。吾燈且滅。智者對曰。虞彼此不給。爾自往市之可也。及往市。良人則已至。智者同入內筵。而門扃矣。俄而愚女至。乞啟門。應曰。我不識爾輩也。故若當醒以候。因不知其來之日與時也。又曰。審判日期。無有知者。卽天神亦不知。惟大父知之。是以爾輩宜醒而禱。勿以世務填胸。蓋人子臨格。猶如諾厄時。洪水降也。人

務飲食婚媾宴樂。至於諾厄入匱。水驟降而胥溺無子遺也。譬  
主人夜歸無時。僮僕必醒以候之。又如備竊。達宵不寐焉。





甲 基利斯督  
皇赫降下審  
判萬民  
乙 聖母天神  
人御主座前  
丙 大簿載萬  
民善惡  
丁 善人居右  
忻聆升天福  
報  
戊 惡人居左  
聞主判案羞  
恨難言  
己 地裂獄開  
邪魔及惡人  
同時俱陷



審判重哀矜者

第二十  
七 章

彼時人子皇赫降來。諸天神擁焉。乃御其威座。聚萬衆於臺前而區分焉。如牧童別綿羊與羝。置其綿於右。而羝於左。

西禮以右爲尊

時主將向其在右者曰。爾輩爲我父所寵福者。卽當就我以享

天國。自天地之初爲爾所設備者。我乃曩時饑。而汝輩嘗食我。

渴而飲我。行旅而舍我。裸而衣我。虜而贖我。病及囹圄而顧我

矣。善者對曰。吾主何時見爾饑而食汝。渴而飲汝。何時見汝旅

而舍。虜而贖。病及囹圄而顧汝乎。時主必曰。我實語爾。凡爾輩

所施與我斯小者。指貧乏卽與我矣。又必向在左者曰。爾輩凶惡。

宜速離我。墮永苦之獄。爲邪魔及諸惡神所設者。蓋我饑而不  
我食。渴而不我飲。旅而不我舍。我裸及虜而不我衣。不我贖。我  
病及囹圄而不我顧也。彼惡者對曰。吾主何時見饑及渴。或裸  
及虜。與病及在囹圄。而不奉事爾也。主向衆曰。我實語爾。凡不  
以待我斯小者。卽不我待也。惡者乃降永罰。善者乃得常生。

天主降生言行紀畧卷之六終




天堂福萬



地獄

火獄







甲

協露撒稜  
都城

乙

教長暨胥  
吏謀害耶穌

丙

茹答斯約

三十銀錢負

賣恩主

丁

建立聖體  
之堂

戊

耶穌偕十  
二徒同食罷

己

惡徒如答  
斯寡

斯

天主教書籍



輔仁大學圖書館

天主降生言行紀畧卷之七

極西艾儒畧述

受難前夕行古禮

第一章 第一

時近罷斯寡大瞻禮日。教長及諸胥吏。迫欲害耶穌。然懼民亂。未果也。乃邪魔於十二徒中。誘惑其一曰茹答斯。往告司教及當塗曰。汝曷賄我。我必得與汝。彼輩悅。許以銀錢三十。遂欲覓便付之。爾時耶穌謂衆徒曰。爾知越兩日。有罷斯寡大禮。而人子將被負以釘死乎。因遣伯鐸羅及若望二徒。命曰。宜備罷斯寡之禮。而同享之。二徒曰。何所也。耶穌曰。爾進城。見一人攜水。

器卽隨其所往之室。向主人曰。吾師問汝。將同其門徒食罷斯寡之處何在。彼必指一鋪成宏堂。爾輩卽在此備之可也。徒進城果遇之。乃如命設席至暮。耶穌與十二宗徒。往坐食焉。曰。久願同爾曹食此罷。斯寡於吾受難前也。蓋從此後。以致主國臨格。將不同席矣。

罷斯寡瞻禮。在春分後一望日。本國教規。前此一夕。家家當食一綿羊羔。以記昔時厄日多國

之王欲滅如德亞國人。天主反滅彼國王。及其兵馬而救之。然天主初命如德亞人行此禮者。蓋羊羔性善。借爲耶穌之像。宰食者。借爲受難救世之像也。今吾主耶穌親行降世。於將受難先自行此禮。亦與宗徒同食羊羔。以示預兆已至。舊禮已終。而救世全功將竣矣。經中稱吾主耶穌爲除免世罪羊羔者。政此意也。



甲 耶穌離席

解衣欲爲諸

徒洗足

乙 耶穌以素

布繫腰、注水

於盤、濯宗徒

足。

丙 伯鐸羅棟

惶固辭

丁 吾主取衣

就坐訓徒相

邇相愛



濯足垂訓 第二  
章

耶穌向愛其徒特甚。至將別。其愛愈篤。因起離席。脫表衣。以素布繫腰。注水於盤。欲爲諸徒洗足。首及伯鐸羅。伯鐸羅惶悚避曰。吾主滌門弟子之足。是何理哉。耶穌曰。我茲所行。爾未能遽達。後必達之。伯鐸羅固辭。耶穌曰。倘我不灌爾足。爾亦與我不相涉矣。伯鐸羅恐見棄。乃聽命曰。如是。不惟我足。卽我首與手。皆可滌也。耶穌曰。潔淨者。但須灌足。爾輩固皆潔。獨一不潔焉。蓋知惡徒之心。故云也。洗畢。復取衣就坐。曰。爾知我所行乎。爾稱我爲師。爲主。是矣。我旣爲師。且主。猶濯爾足。正示爾宜相灌。

足。卽相遙相愛。以徵爲我徒也。我固知所選之人也。第古經云。  
同我飲食者。終將背我。此其時矣。故我先與爾言。後見其事。當  
信我也。





甲

耶穌與十  
二徒同食晚  
餐。

乙

耶穌祝麪  
餅變成聖體、

分與宗徒、

丙

葡萄酒爵、

祝成聖血給、

與宗徒、

丁

宗徒領聖  
體、

戊 耶穌濯足  
處、

己

耶穌預言  
後患宗徒驚  
異、



立聖體禮章

第三

耶穌同晚食。取麪餅祝聖而謝。剖而分與宗徒曰。爾各食此。此卽吾體也。爲爾等將付惡人之手者。又取葡萄酒爵。祝聖而謝。曰。爾各飲此。此卽吾血也。爲爾及衆人罪。所將傾注以流者。爾等日後當行此禮。以憶我爲爾等致身受死也。

按吾主耶穌立聖體大禮。蓋將歸天國。與人類相離。而其至慈愛人。必欲長遺人間。乃以全能。將餅酒二物。吾輩所常用。以保養身者。仍存其色形。變成體血。留付吾人。雖離此世。實存此世。以護養而救我等也。然先灌宗徒之足。而後賜之領。

聖體者。蓋示訓宗徒。及後吾輩。必也先潔其心。毫無罪污。又謙下其志。以卑自處。及大發愛天主與愛人之眞情者。方可領受斯恩。蒙天主降臨吾心。以增諸恩德也。然又當知耶穌體血。全在此餅。此爵。血不離體。體不離血。血亦在餅。體亦在爵。卽以此任分之。亦全在各分。卽令億萬人飲之食之。聖體聖血。亦全不受損。真自天降來之神糧也。



甲 耶穌訓徒

謂天者宜若  
孩爲首者宜  
若僕

乙 宗徒聞主  
訓，遂不爭長

丙 耶穌言往  
聖父處爲諸

徒預備居所  
將遣安慰者

神永處人間

丁 建立聖體

堂、

戊 茄答斯離

席出往司教  
處，負寶吾主

己 司教預備

兵士往擒吾

主、



新嘉坡仁愛大學

預言宗徒驚疑

第四章

耶穌復向宗徒曰。小子。我在爾輩中。不復久矣。茲有新命與爾。爾宜相愛。如我向愛爾輩者。衆乃將識汝爲我徒也。但此夜爾輩。皆將疑異我矣。蓋經有云。吾將擊牧者。而羣羊必散。然我復生後。必先導爾於加理勒亞之地。伯鐸羅對曰。吾主。縱衆有疑。我決不然。耶穌曰。我實語爾。此夜雞二鳴前。必將三云不識我。伯鐸羅曰。縱當偕死。斷不負也。衆徒所云亦然。

明指惡徒叛意

第五章

維時耶穌心神如有所動。明謂宗徒曰。吁。爾輩中同我飲食者。

有將負我者也。顧人子必以豫定者往矣。雖然。負人子者。不如無生矣。宗徒皆彼此相視。疑爲誰。皆曰。我乎。茹答斯亦問曰。我乎。耶穌曰。爾自云矣。衆尙未悟。時若望近耶穌座。伯鐸羅目之。曰。師謂誰。若望私問焉。耶穌曰。我今以餅納於湯。挈而與之者。卽是矣。�是以餅點湯中。付茹答斯。茹答斯受餅而食。魔遂併入。耶穌曰。爾所欲爲者。便速爲之。他宗徒不知。以爲茹答斯素司市物施貧之事。意耶穌或有所命也。時已暮夜矣。



甲 耶穌與宗

徒晚餐所、

乙 耶穌示徒

新命宜彼此

相愛、

丙 十一徒、謹

聆聖誨以誌

不忘、

丁 協露撒穀

城外日色瑪

尼固、



開泰書局印

訓宗徒爲別第六章

耶穌復慰宗徒曰。爾心勿搖。信天主。卽宜信我。我父之宅。所備居處多矣。今我往。爲爾等備居。往彼之後。必復來取爾。與我同處。不留爾輩孤子也。且將求父以施慰之聖神賜爾。永與爾偕焉者。爾若愛我。必喜我向父往也。若我不往。聖神必不降於爾。往則遣聖神降焉。

又曰。我眞葡萄樹。我父爲治圃者。凡枝不實。必削去之。且實者。亦少芟之。欲其更多實也。爾輩宜與我偕。我亦與爾偕焉。枝不連於根。自不能實。爾輩不與我偕。亦然也。我乃樹。爾輩爲枝。彼

此連合乃結多實。無我則全無一能也。不與我連合者必芟去。  
如枯枝付火焚而已。爾輩合我而受我訓。則凡所祈求必見允  
也。

又曰。爾輩固將受多窘也。卽害爾者亦將自爲有功於天主也。  
彼不識大父亦不識我故也。我實告爾。爾將苦哭。世將喜樂。但  
汝之苦。將轉爲樂矣。譬孕婦焉。期將婉。不勝痛楚。旣見所生子。  
又不勝歡忭。全忘前苦也。爾輩未免憂苦。然後爾心必樂。且爾  
之樂。永莫能脫也。復仰天爲諸徒。及將來諸信從者。虔禱於大  
父。求安全之。乃出郭。往阿理襪山。

甲 耶穌預告

宗徒人將屏

彼於殿外反

自信有功，

乙 宗徒中有

未明聖訓者、

耶穌訓慰勉

屬之、

丙 耶穌與宗

徒晚歿所、







甲 溪近城則端  
乙 日色瑪尼  
丙 圍吾主爲人  
禱處  
丁 又一洞三  
徒留止處  
戊 耶穌離徒  
地  
己 天神下降  
庚 安慰耶穌  
辛 耶穌三次  
勉  
壬 顧徒再三勸  
惡黨至圍  
癸 茄答斯率



國中師範書會

圍中祈禱汙血

第七章

耶穌已立聖體大禮。勸勉宗徒。而後偕十一宗徒。同往城外山  
園名曰色瑪尼。卽耶穌常爲我等祈禱者。至山留八宗徒少遠。  
曰。且止此。俟我往彼有祈也。惟偕伯鐸羅雅各伯若望三人行  
次語之曰。吾心憂甚。爲將死也。爾等止此同我醒寤祈禱。乃復  
稍離拋石之地。俯拜稽首。禱罷德肋曰。全能大父。如其可也。願  
此苦爵脫離我身。如其不可。勿允我願。惟父旨是奉。禱畢回視  
其徒。則皆寐矣。謂曰。如是不能與我寤醒一時乎。宜醒而祈祝。  
以免陷於誘惑也。心神猛毅。惟肉身不無劣弱。遂歸再三復祈。

如初。深思萬民重罪。與諸救贖之苦。又多有負恩弗克改圖者。  
悲切至極。遍身血汗。流出至地。倏有天神降而慰焉。耶穌旋顧  
諸徒。仍倦寐不醒。曰。任寐矣。少頃。又醒之曰。寐可已矣。我期已  
至。人子幾付惡人手。爾輩盍作以去。負我者已邇也。





甲

茹答斯佯  
表愛敬竟親

耶穌面耶穌  
詰之

乙

茹答斯所  
領士卒與司

教僕從咸持  
火執械來擒  
耶穌、

丙

耶穌詢惡  
黨覓誰

丁

耶穌一言  
是我、茹答斯

與衆惡黨驚

仆如死、

戊

伯鐸羅抽  
劍攻擊耶穌

阻之、



仆衆還耳受執

第八章

耶穌語未畢。茹答斯率兇人數百持炬操戈洶湧而至。耶穌自前迎問曰。覓誰。衆曰。覓耶穌。耶穌曰。我是也。衆聞我是二字。驚怖退却。仆地不能起。耶穌俟其少甦。又問之如前。衆答仍然久之。莫能措手。耶穌命衆曰。若只覓我。切勿及此數人。聽其自往可也。初茹答斯恐人夜昏。不認耶穌。與惡衆約曰。予就而親其面者。是當擒也。時乃佯行弟子禮。就耶穌祝曰。吾師願得福。又口親耶穌之面。佯表愛敬。耶穌心知爲仇。却不以仇待之。語之曰。吾友至此爲何。茹答斯未對。伯鐸羅猝拔所佩劍。斫教主一

僕瑪而果者落其右耳耶。耶穌責伯鐸羅曰。鞘汝劍。大父與我之爵。汝不欲我飲耶。若我欲求大父降萬千天神護衛。何難之有。於是手接研者之耳。渾合如初。又向領兵教士等曰。汝等來此持劍戟。執我如寇賊。前者我日坐殿中講論教誨汝等。汝不我執。吁。此一時乃汝等之時。並爲幽魔恣能之日矣。耶穌任惡人攣其手。街市半行半拽。故肆褻慢。此時衆徒已散。耶穌子身爲衆酷暴。然猶不失其恬愉。少貶聖輝也。



甲 伯鐸羅遙  
踵耶穌。  
乙 司教之徒、  
出語守門婢  
導伯鐸羅入  
署。

丙 伯鐸羅與  
僕人偕坐烘  
火、初次背主、  
是年司教  
丁 首亞納氏、  
戊 耶穌被拘、  
押送亞納前、  
己 盖法奴隸、  
毒掌耶穌聖  
面、  
庚 武卒與僕  
役、



解亞納及蓋法受辱

第九章

耶穌既爲惡輩所執。先解送於亞納氏。卽司教蓋法氏妻父。亞納命見蓋法氏。耶穌前立。蓋法問所傳之道。所集之徒何如。耶穌曰。我已顯然講論於世。公堂誨人。未嘗隱也。今當問聽我者。何問我爲。侍蓋法者一隸。怒其言慙。遂毒掌耶穌之面。曰。爾答教主如此耶。耶穌曰。我答誤。宜示其誤。若善。則何以擊我。時舊教學士與巨室。夙謀所以誣耶穌者。皆聚蓋法署中。欲害之。然無實據可指。乃購賊犯誑証。所証又不合。難以決。卒有二僞証者曰。彼曾云可毀聖殿。而三日間必復造之。蓋法起向耶穌曰。

胡不一辨。斯衆所証爾者乎。耶穌嘿然不對。蓋法乃復問曰。爾當實說。果爲天主之子乎。耶穌曰。汝言是也。蓋法氏因謂衆曰。爾皆已聽其傲詞矣。奚藉他証。惡衆譁然而起曰。當死。或口唾之。或手擊之。又蒙其目。撾其面。而調之曰。亦知擊爾者誰乎。維時防守兵卒。皆譏誚之。達旦不寐。計耶穌當夜所受諸苦。不可殫述。必欲述之。亦不禁淚之流。而咽之塞也。



甲 耶穌在蓋法前受士卒凌辱，  
乙 詭證之人，  
丙 司教首聞耶穌言撕裂衣裳，  
丁 伯鐸羅第三次發誓，不認識耶穌，  
戊 伯鐸羅聞鷄鳴聲蒙耶穌顧盼始暗前言流涕而出，



徒三不認主

第十一章

耶穌於受難前豫談將受苦辱。伯鐸羅自以爲必從致命無阻。耶穌告以將不識我者三。伯鐸羅心尙未然。迨耶穌被拘。諸徒皆散。伯鐸羅與某宗徒隨之。或疑卽有益法役人爲若望相識。因之混入署中。與羣役俱附火適一婢見之。曰。爾卽從耶穌者乎。答曰。非也。我不識云何。有頃。又一婢見之。謂衆曰。此眞是彼人之徒。伯鐸羅惶怯誓曰。吾實不識。又頃之。見者再曰。爾正耶穌之徒。卽爾言明露矣。爾乃加理勒亞人。復固辨曰。吾竟未嘗識彼人。言畢。鷄鳴。耶穌憫然轉盼。光照其心。伯鐸羅始憶前言。

猛悔流涕而出。自是終其身。每聞鷄聲。輒痛淚不能自己。

惡徒失望而死

第十  
第一章

茹答斯既背耶穌。又見將解比辣多。知其必至於死也。隨覺己罪至重。不復哀望主赦。形神失措。取所收三十銀錢。還之其人曰。我負無辜。我罪重矣。其人拒而不受。曰。爾實願於我何與。茹答斯仍委其錢於主堂。自縊而死。司教之長。得其銀錢。相語曰。此血價也。不可置之公帑。乃議市一陶者地。定爲行旅之塚。故其地至今稱血地。實符古先知葉勒彌亞所云。取其價三十銀錢。以購陶夫之地。如主所預言焉。



甲 兵卒總耶

穌至比辣多

署、

乙 茹答斯還

三十銀錢、

丙 司教耆老、

拒茹答不納、

丁 茹答斯擲

錢殿中、

戊 茹答失望、

自縊而死、



按吾主受難之日。一徒背恩而賣主。一徒失志而隱踪。吾主亦預知有此。而姑容之者。大非偶爾也。蓋伯鐸羅獲罪之後。卽以猛省痛悔之心。崇德積功。反藉前誓。以增後善。吾人苟能效此。則罪巨痛深。將如毬之投地。愈重而騰躍愈高矣。抑伯鐸羅天主將許之爲聖教柱礎。付以赦罪之權。今茲一蹟。庶其因已過更知憫諒他人之昏弱。容其自新也乎。若彼惡徒。亦嘗受聖訓。嘗行靈事。祇爲貪根未絕。遂以微價售師。陷於重罪。揣厥私意。或謂吾主全能。必無死地耶。不思耶穌夙訂。借此以救世矣。比其知罪。乃又失望自殺。罪上增罪。以罹

永殃。悲夫。因此知士雖志脩。貪欲之隙弗塞。必終潰敗。且所躋之級彌峻。則所隕之傷彌重。惟不存先有之功。弗恃自有之智。惕惕兢兢。庶可日進日崇。無至顛隕。及其不幸有罪。則仰吾主代吾受難之恩。切悔懇宥。天主必終赦之。萬不可如惡徒失望自棄也。





甲 益法公堂

乙 茲法詢耶

蘇爲契利斯

督否

丙 耶穌直言

不隱

丁 兵卒待司

救命解送耶

蘇往比辣多

督署別行審

案





甲

總督衙門

乙

比辣多代

羅瑪王、總理

如德亞國、

丙

如德亞人、

誣控耶穌於

督署前、

丁 比辣多重

入公堂、訊問

耶穌、

及解送耶穌

戊 箭內武卒、  
之兵、



解比辣多不辯


第十  
二章

蓋法氏未敢斷耶穌之罪。乃送之比辣多臺前。比辣多亦異教人代羅瑪王蒞治如德亞國者也。衆惡吏以蓋法之命告曰。此倡亂者。以新僞學誘惑土民。自云不宜輸納貢賦。又妄稱已爲本國人所候望將來降生之彌施亞。即天主降生之號也。比辣多已聞耶穌言。宜輸納。知爲誣証。乃特問曰。汝爲如德亞國王否。耶穌曰。爾言是矣。惡衆大噪。誣以萬千虛言。耶穌俱不屑辯。比辣多大奇之。語曰。人所訟汝者。汝不聞乎。耶穌仍不答。蓋爲我等受難。其願切。其期定。不欲有言。令緩須臾死也。

解黑羅得不對

第十  
三章。

時加理勒亞王黑羅得係羅瑪所封。素從異教亦來協露撒枝行巴斯寡瞻禮比辣多不欲斷耶穌審知爲加理勒亞人應屬黑羅得。又素與黑羅得有隙。因解送之去。黑羅得久聞耶穌諸聖蹟。嘗願見。見之不勝喜。然意惟好異。以一睹奇蹟爲快。非欲知識眞主而親奉之也。以故耶穌寂然不答。黑羅得怒。命左右衣以白布長衣。欲人目之如病狂。笑而辱之耳。



甲 耶穌由比

辣多衛至黑

羅得宮、

黑羅得多

言訊主、

丙 耶穌不答、

丁 司教長暨

解經士、誣訛

多端、

戊 黑羅得命、

以白衣、衣耶

蘇、還解比辣

多署、





甲 耶穌穿狂

人衣至比辣

多署比辣多

設計放釋、

乙 比辣多向

衆旨耶穌無

辜、

丙 獄中兒四、

名把辣巴、

丁 司教首暨

民衆、

戊 如德亞衆

民求釘耶穌、



比辣多計取衆赦不得

第十四章。

耶穌既穿狂衣復解送於比辣多。比辣多明知耶穌無罪。惡衆所誣皆枉。因力謀免之。如德亞國俗。每年巴斯寡瞻禮日。必釋獄中一囚。從民情所欲赦者。時有重囚把辣巴。兇惡無類。通國共欲誅者。比辣多因以此囚與耶穌並問衆曰。誰當赦意。國人受耶穌無數異恩。必爲耶穌求赦。卽不喜耶穌者。與其赦把辣巴。亦必寧赦耶穌也。詎知民如瞽盲。乃爲發利塞俄所聳。竟求赦把辣巴。

繫鞭苦辱

第十  
五章。

比辣多見前計不遂。衆民又喧噪苦求釘死耶穌。乃向衆曰。我細勘固無死狀。姑責而縱之足矣。於是命笞撻耶穌。以息民亂。惡輩繫之石柱。鞭以堅繩。全身剝傷。血流注地。筋骨爲露。平日之形色皆變。





甲 比辣多命

答耶穌又於

高臺遙望、

乙 耶穌被縛

石柱、多受重

撻、流血及地、

丙 如德亞及

羅瑪人、羣然

聚觀、

丁 祿卒承命

息笞、

戊 聖母目覩

耶穌、哀痛至

極、





甲 耶穌受撻

後入內署

乙 比辣多以

耶穌示衆

丙 惡黨褫耶

穌衣強衣王

袍、

丁 惡黨織棘

爲冠加耶穌

首、

戊 耶穌受辱

多端、

己 聖母備聞

諸事不勝痛

苦、



聖心傳道會  
新嘉坡總會  
司理會  
新嘉坡總會  
司理會

茨冠敝袍竹杖苦辱

第  
六  
十  
章

惡衆撻耶穌畢。強披以衣。須臾兵役擁至。又褫之。乃以國王之敝服絳色者着之。示僭王之耻。復織剛棘爲冠。加其首。重壓之。又納竹杖於手中。如握權者。衆皆跪而戲侮之曰。亞物禮拜之詞。如德亞王。旋起唾其面。以竹杖擊其棘冠。令深刺之。然耶穌雖被苦辱如此。益自忍耐。不失馴良之德。還將苦刑凌辱獻於天主。罷德肋。祈贖衆人之罪云。

比辣多勸息衆怒不得

第十  
七章。

耶穌受如此酷虐。比辣多以爲可消衆怒。或動人憐。不復求釘死矣。乃出堂外高臺上。將耶穌示衆曰。我審究極詳。終無罪可刑。人已如此。如此足矣。乃衆仇狼心未已。洶然喧曰。釘之十字架上斯已矣。


真

善

美

麗





甲 比辣多語  
 衆言耶穌在  
 茲實無罪過  
 乙 冠披紅袍  
 耶穌戴棘  
 丙 如德亞民  
 丁 大呼釘殺  
 比辣多監  
 手謂義人血  
 民衆宜任  
 戊 比辣多定  
 釘死之刑  
 己 比辣多妻  
 遣使勸戒  
 庚 耶穌甘負  
 苦架承聖父  
 辛 聖母與諸  
 聖女侍立要  
 道俟耶穌至

聖  
美  
善  
眞

仁輔



比辣多被逼判死

第十八章

比辣多因衆噪。又語衆曰。爾等欲釘之。我則未見其何罪可釘也。衆曰。自稱天主子。據我教法。當坐死。比辣多聞言怖甚。復携耶穌同入大堂。問之曰。爾果何人乎。耶穌不答。比辣多曰。爾不與我言乎。爾不知我有釘爾釋爾之權乎。耶穌見比辣多以權自傲。不認權由天主。答曰。倘上主不與汝以權。汝毫無權於我也。時比辣多力圖釋放。惡衆乃洶洶嚇之曰。彼僭王。若釋放之。則爾自坐於總王之仇矣。比辣多怯縮。莫適主。其妻聞之。遣使告曰。耶穌爲無辜之聖人。慎母輕刑。昨夕夢中。予有所睹。寢臥。

不寧。比辣多恆怯殊甚。亦不能聽其妻言。但起公座。當衆盥手。  
以示死耶穌之罪。與己無與。曰。吾清於此義士之血。惟爾輩自  
顧矣。衆曰。其血惟我及我子任之耳。比辣多遂升公座。以十字  
架刑判之。



海沫現存羅瑪聖母堂

箍茨現存意國比時城某聖堂

圈 瓢



聖母在耶巴利

石柱白質黑章



現存羅瑪聖女伯辣忒堂



蘆片現存意國弗老楞大堂

鐵釘現存德國得雷物大堂



架上橫板現存羅瑪字十堂



STW



聖善真

SANTITAS BO

PULCHRITUDO



甲 耶穌負架  
出城力竭屢  
躡、  
乙 異方人西  
滿同負苦架、  
丙 仁婦泣隨、  
耶穌訓之、  
丁 聖女舉帕  
拭耶穌面、聖  
容印在帕上、  
戊 二盜負架  
己 協露撒冷  
登山、  
城外加瓦畧



身中華書局影印

宋人詩集卷之二

宋人詩集卷之三

宋人詩集卷之四

宋人詩集卷之五

宋人詩集卷之六


宋人詩集卷之七

負十字架行

第十  
九章。

惡衆造一巨木十字架。使耶穌自負。驅往城外死地加瓦畧山。  
耶穌創傷力竭。沿途顛躡。不能速行。惡衆乃傭異方一人西滿。  
細勒耨者。令共負之。時隨耶穌者甚衆。有數仁婦泣甚哀。耶穌  
語之曰。爾等哭我。莫若哭爾等。及爾子之罪。與將來大戮。生木  
尙乃爾。槁木將何如耶。又一聖婦勿樂尼加者。見耶穌之顏。有  
汗有血。遂取白帕授耶穌拭之。耶穌拭已。復還之。帕上卽印聖  
容血跡。肖於摹繪者。今存羅瑪聖伯鐸羅大殿中。每年一次請出示衆。聖母瑪利亞知  
耶穌將受難。不勝哀痛。同諸聖女奔隨之。至被釘所。則見耶穌

已改容失貌。口難出言。惟遠望痛心流涕而已。





甲

加瓦畧山

乙

士卒以末

藥苦胆入酸

醋中

丙

耶穌置身

架上手足被

釘

丁

架上橫板

用三國字書

耶穌納雜勒  
諾如德亞人

王

戊

左右二盜

同時受釘

己

聖母及聖

女悲傷慘泣



聖美善真

UNIVERSITY



聖美善真

UNIVERSITY

釘十字架上

第二十章。


耶穌負十字架至山。卒隸先將酒和苦膽飲之。耶穌嘗而不飲。次褫耶穌沾血之衣。倒其身於十字架上。上開兩手。釘於橫木。又將兩釘足於直木。當空豎之。此刑爲至酷至慘。所以加於寇賊者。時惡盜二人釘於耶穌左右。示耶穌與惡盜同刑也。比辣多命以木板橫置於架之首。書如德亞厄濟亞羅瑪三國字體云。耶穌納雜勒諾如德亞人之王。如德亞人視之。以爲國辱。求去如德亞人之王數字。比辣多固執不聽曰。我所書已書之矣。按西史加瓦畧山。卽古聖亞罷郎。遵

天主命所欲以其子意撒祭獻之  
山亦萬民元祖亞黨所葬之處也。

懸十字架上


第二十  
一章。

耶穌既懸十字架上。兵卒將其衣四分。獨一長衣渾織無縫。不欲拆破。探闔取之。政符先知所云。乃各自分吾服而賭我衣也。  
今此衣在亞勒瑪尼亞國德勿勒郡。惡衆凡經過者。皆掉首謂之曰。是乃前云毀聖殿而三日復造者乎。爾既爲天主子。有此大能。自當解釋而下。我乃信從耳。司教與學士。及老宿一切諸人。皆戲之曰。若能救人。而乃不能自救乎。



甲 耶穌被釘人罪  
乙 左盜非笑  
丙 右盜責左  
盜出言不遜  
哀求吾主憶彼  
耶穌即允所求  
丁 聖母聖徒  
聖女等哭泣  
架下耶穌在  
架托母於徒  
戊 一卒聞耶  
蘇呼渴瀆醋  
飲之  
己 士卒以耶  
蘇表衣四分  
之長衣則拈  
闔而得  
調笑耶穌  
庚 司教衆民





耶穌在十字架

上、聖母若望同

立架下、耶穌目

若望語聖母曰、

婦人爾子在此、

復語若望曰、汝

母在此、自是若

望事聖母、如生

母焉、



十字架上七言

第二章

維時耶穌懸在架上。深憫惡衆巨愆。仰天而祈罷德。肋曰。吾父。願赦彼衆之罪。彼實不知所以故也。

一 耶穌受種種酷虐。畧無怨尤。斯亦已矣。乃憐憫

惡衆之心。慄慄彌亟。斯豈人情所能至耶。故古聖推想至此。謂耶穌之爲真主。就使槩無他証。但卽此言之心思之。已可以見其無限忍德。無量慈仁。而爲高絕人類之天主。斷斷無疑矣。

旁二賊同釘者。其一誚之曰。爾

若實爲契利斯督。曷不自救。併救我乎。其一賊責之曰。爾奚不畏天主乎。吾輩罪重。應受茲刑。若乃何尤。以至此哉。深自悔罪。

懇求耶穌曰。吾主至爾國。幸不我忘。耶穌允之曰。我實語爾。今

日必與我偕在萬福所矣。

二 ○ 此賊從未見耶穌蹟。遽識逮信。痛悔求赦。實出非常。故吾主亦

以法外之恩賜之。緣此可推吾人犯罪者。即使臨終一刻。苟能發大痛悔。天主必鑒其懺而矜宥之。斷無失望之理也。

時

聖母偕諸聖女與若望宗徒立架下。耶穌目若望語聖母曰。女

人爾子在彼。

蓋指若望能代爲子也。然不稱之母。不欲觸加其痛。稱之以女人。明萬民可共母也。

復語若

望曰。汝母在彼。自是若望事聖母如母焉。

三言又仰天切籲罷德

肋曰。吾主吾天主。何棄我如斯焉。

四言蓋耶穌既定欲忍受諸苦。又不欲稍有安慰。得入其

心。令其苦少。命將終呼云。我渴。惡讐聞之。以竿頭置物。漬醋與

之。

竹竿與送飲之具。今存於羅瑪聖若望宗徒殿中。

五

耶穌既盡行罷德肋之旨。救世


功完。遂曰。畢矣。

六

又長歎曰。罷德肋。我神付於爾手。言訖。俯首

絕息而死。

七言



甲 耶穌在十

字架、全身受

傷、七言而終、

乙 兵士敲折

二盜之髀、以

速其死、

丙 一卒刺耶

穌右肋、血水

並流、時天昏

地震、石相觸

碎、生人捶胸、

萬物哀主、



死被鎗傷 第二十  
三 章。

耶穌既死。左右二盜猶生。兵士敲折二盜之髀。令速死而解其屍。勿懸留於大瞻禮日也。近視耶穌。見已死。因止不敲。但一卒持戟刺其胸之右側。漏水血焉。

萬物哀主

第二十  
四 章。

耶穌被釘死。一切無知諸物。皆效哀悼於主。若有知覺。而不堪痛極者。是時春分後望日午時。日月正相對。不得薄蝕。月乃違其常運。自西徂東。遂掩日輪。昏黑如夜。列星俱見。又大地全震。石多破裂。塋塈多自崩開。迨耶穌復活日。先聖多有復生而現。

於人。舊大殿中。其幔從上至下自裂。時兵將守耶穌。見地震。諸奇異。惶懼殊甚。相謂曰。是眞天主子也。民衆觀之。亦俯首捶胸。愴悵而歸。一大賢諳於天文。名低尼削。時居厄日多國。仰觀日蝕。異常愕然曰。此或造物主被難耶。抑天地世界將終耶。數年後。保祿宗徒。至其本地亞德納傳教。低尼削詳知。遂虔從。著書發明天主奧理焉。



甲 聖母等沐  
聖屍以香液  
硠之以布  
乙 聖母懷抱  
聖屍異常痛  
苦  
丙 武員若瑟  
市潔布硠聖  
屍  
丁 尼閣得睦  
市香液百觔  
濡沫聖身  
戊 武員若瑟  
壽域  
諸聖婦偕  
聖母送葬  
己 司教與學  
士聚比辣多  
庚 前請發兵守  
辛 墓  
二黨人領  
兵封聖墓



聖美真善  
Fu Jen  
University  
PULCHRITUDINE  
VERITAS

殮葬

第二十  
五章

日將暮。有文武二臣。俱耶穌弟子也。其一武官名若瑟者。猛向比辣多特請下葬聖軀。其一名尼閣得睦者。市香液百斤濡沫之。殮以練布。瘞於石墓。用大石前局。是墓在加瓦略山傍之洞。乃若瑟夙自造新壽域也。時宗徒若望等。與瑪大勒納及諸聖婦。向沐異恩。常以家貲周旋耶穌者。俱從聖母送葬焉。計耶穌在世凡三十有三年有三月。西史紀此日卽天主始生人類之日。亦原祖亞當厄娃獲罪天主之日。亦吾主耶穌降孕之日。依西曆在三月二十五日也。


兵防耶穌之墓


第二十  
六章。

明日司教與學士俱聚比辣多前請曰憶彼謊者曾云我三日後必復活今幸命兵守墓三日恐其門徒密來盜屍乃向民詭言已復活也如是則後謬大於前矣比辣多曰爾輩有兵令防之可也其二黨往封聖墓命兵嚴防此實天主之意欲其復生大事因是更顯明也



甲 都城 協露撒稜  
 乙 加瓦畧山 耶穌葬後  
 丙 聖靈降靈薄 獄拔古聖人  
 丁 第一重獄 卽靈薄古聖所  
 戊 第二重獄 古聖得瞻耶蘇聖靈  
 己 第三重獄 卽煉罪獄是日靈魂多蒙超拔升至靈  
 庚 第四重獄 卽永苦地獄 邪魔惡靈惶  
 赫驚懼





甲 耶穌聖魂

復入墓中，聖

軀乃復活，

乙 聖墓仍封，

聖體透墓而

出，千萬神聖，

擁護左右，

丙 二兵輪守

聖墓，其餘熟

睡，不見耶穌

復活，

丁 古塚頓啟，

前聖復活，現

於衆人，爲耶

蘇證，



卷之二

三

天主降生言行紀畧卷之八

極西艾儒畧述

耶穌復活第一章

第一

維時耶穌既葬。其聖魂已降臨靈薄地所。超拔古聖。

按經典。地獄有三重。

最下者爲永苦獄。惡人邪魔所居。永無赦期。第二重爲煉罪處。乃奉教善人偶有大罪。雖已痛告蒙赦。但因補贖未全。或有小過。都當到此。煉畢方升天也。第三重爲靈薄。卽生人以來。有德靈魂所憇候。耶穌降生救世。仰其無窮功德。方可上升。今耶穌救世功成。復往提之。帶同升天。其下二重地獄。亦俱望見聖輝。而煉罪靈魂。必多蒙超拔。

越三日。聖魂復詣

墓中。與軀相合。而復活焉。時兵守者皆在。耶穌忽自墓出。天神來至。聲如雷震。掀其墓石。以示活出之實。兵衆驚仆於地。少選

回報曰。耶穌果復活矣。惡黨厚賂之。令語人曰。吾輩寢寐時。其徒竊之去云。

按耶穌復活。不受石冢障隔。透墓而出。猶誕時。不損聖母之童身而生也。然必令天神驅轉其石。開闢墓門者。俾人明知其實已復生而出也。乃學士等賂守者。佯云寢寐爲徒所竊。噫。以寢寐爲証。惡黨可謂寢寐甚矣哉。



甲 聖女瑪利亞  
黎明至墓時  
墓門已開，不見耶穌。  
乙 他聖女市香液往傳耶穌聖屍。  
丙 一天神衣白如雪，閃爍如電，坐於墓中。  
丁 守卒聞天神至，聲如雷震，皆驚仆於地。  
戊 協露撒棱都城。





甲 瑪大勒納  
入墓弗見耶  
穌，心中沉悶。  
乙 偕來之婦，  
各攜香品。  
丙 二人衣服  
麗都告聖女  
勿驚，釘死之  
耶穌今已復  
活。  
丁 守墓兵。  
戊 聖婦自墓  
回城。  
己 聖女往告  
宗徒。



聖美善真

天主受享榮福於天

AS BONITAS

VERITAS

PULCHRITUDO

見身於聖母第二章

按聖人所載耶穌復活。其聖體有四大德。曰光明。曰輕快。曰無傷。曰無碍。時蓋往慰聖母。聖母乍睹耶穌。光輝四射。不勝豁然喜慰。如被蝕之月。復接日光。輝映萬倍也。獄中挈出先聖。亦多並見聖母。蓋其中有同肉身復活者。故聖母俱得見云。

二見身於瑪大肋納三見身於諸聖女第三章

瑪大肋納既同聖母葬耶穌還。仍貿多香。欲再往傅聖軀。偕諸聖女以行。途次相與議云。誰能爲闢墓門巨石者乎。比至。則石已開。入其礪。不見耶穌。止見天神。着鮮潔異服。閃爍如電光。內

坐驚訝間。天神謂之曰。無驚也。爾覓被釘而死耶穌耶。今復活。  
不在茲矣。但宜回報厥徒。及伯鐸羅。謂耶穌於加理勒亞地。必  
顯見彼衆。如前所明言者。諸聖女歸。瑪大勒納獨徘徊不能去。  
俄耶穌現。問之曰。汝何哭而覓誰。瑪大勒納視爲老圃。遂叩之。  
曰。吾尋吾主。若在。爾幸示我。耶穌呼其名。瑪大勒納聞呼。遂識  
爲耶穌。跪伏叩拜。攀戀不忍捨。耶穌謂曰。且勿撫我。我猶未上  
升也。但還城報知吾昆弟。謂之曰。余將升歸於吾父。及爾之父。  
吾主。及爾等之主也。至途中。耶穌復見。并他聖女咸得見。



甲 耶穌之墓  
乙 二天神衣  
丙 白如雪坐葬  
丁 尸所

戊 瑪大勒納  
途中復見耶  
穌并他聖女  
亦得見之。  
己 耶穌呼瑪  
大勒納名遂  
識耶穌跪伏  
叩拜。





甲 耽禮七日、  
太陽始升、

乙 耶穌聖墓、  
諸聖女自

墓回城、

丙 耶穌慰聖  
女於途、

丁 守墓兵士、

戊 入城稟報、

己 司教重賜  
多銀、令守卒

隱耶穌復活

事、

庚 聖女以耶

穌復活報宗

徒、

辛 協露撒種

都城、





甲 耶穌聖墓、

乙 聖女瑪大

| 勒納、

丙 諸聖女返

| 報宗徒、

丁 伯鐸羅若

| 望、

戊 二宗徒入

| 墓、不見耶穌、

隨卽回城、

己 伯鐸羅返


| 時路中訝攸

遇事、

庚 若望知耶

蘇復活、忻然

先返、



聖母子像  
聖母子像

四見身於宗徒

第  
四  
章。

是日宗徒在立聖體堂中。瑪大勒納來報耶穌復活。衆徒未信。  
伯鐸羅與若望趨往視之。若望先至墓。俯視而不入。伯鐸羅後  
至而先入焉。止見所遺殮布。及蒙面帕。印有耶穌聖像。并其血  
傷之迹。布 帕 今 在 撒 波 雅 國 都 令 郡。其  
地 詞 失 火。天 神 收 帕。得 不 煙。回至途中。耶穌乃現其  
身。伯鐸羅因得見焉。

五見身於二聖徒

第五章

是日有聖徒二人。往厄貌斯地。途次間。談論近況。耶穌復見。就邇同行。問之曰。爾輩有何議論。乃行而憂。時門徒恍如目昧。未之認也。其一名格勒阿法者。答曰。爾獨不知都城前日之事乎。耶穌曰。何事。曰納雜勒耶穌之事。真全知大聖所言所行。大顯異能。人所共仰者。乃我司牧及主教。判之釘死。吾輩盼望其救世。奈今死已閱三日矣。顧有婦至其墓。旋曰。不見其屍。只見天神。云其已復活。吾輩亦有至其墓者。果見如是。耶穌曰。爾輩之心。曷其昧如是。而不明信乎。盍觀古聖預言。契利斯督必當先



甲 協露撒

都城、

乙 二聖徒出  
城、往厄貌斯

地、

丙 二徒途次

談論近況、耶

蘇現而與之

語、

丁 耶蘇與二

徒同行、發明

經典奧旨、

戊 二徒留耶

蘇入屋、取餅

降福、分與二

徒、頓識爲耶

蘇、



受諸苦。而後享其榮福也。乃爲之發明梅瑟及諸古聖所預言  
降生救世之事。一一符驗。行抵舍。耶穌作別。二徒懇留曰。日將  
暮矣。幸同坐。耶穌進坐間。取餅降福。分而與之。目乃頓豁。識爲  
耶穌。遂不見。門徒相語曰。途中發明經時。吾心固甚熱也。因卽  
日旋城。見十一宗徒。及諸人同堂者。述其途次見聞。與分餅時。  
方識耶穌之事。衆亦曰。吾主果已復活。且見於伯鐸羅矣。

六見身於十宗徒

第六章

日之夕。門俱扃矣。耶穌忽見。時宗徒惟多默他往。其十人者皆  
在。乍見耶穌聖容。惶懼戰慄。耶穌慰之曰。且安無畏。是我爾等

試觀我手我足。就詳之。實我體。非神幻也。因示其手足。尙存釘  
跡。衆徒奇喜交集。而但未全信。乃以肉身之事引之。曰。爾等有  
物可食乎。宗徒取魚與蜜進焉。耶穌食之。又分食諸徒如平日。  
以示眞其肉身也。復祝曰。安和與爾偕焉。我遣爾等。如大父已  
遣我。乃向衆呵曰。今爾等卽領聖神。凡爾所赦人罪。卽赦之矣。  
是夕。諸徒大蒙聖寵。覺於經典奧旨。頓悉明透。且受代解赦罪  
之權。



甲 宗徒所居

之堂、

乙 當門扃閉、

丙 十徒同在一室、惟多默

他往、耶穌忽

見十徒惶懼

戰慄、耶穌慰

之、

丁 耶穌示手

足針孔、令出

魚蜜食之、并

分與諸徒、一

如平日、



FU JEN

IVERSITY

SANCTA VERITAS

PULCHRITUDINE ET VERITAS



甲 宗徒所居之堂。  
乙 宗徒憚如德亞人，繫閉其門。  
丙 多默回堂。  
衆人言耶穌復活，多默不信。  
丁 十一徒在聖堂中，耶穌復見，招多默觀五傷。  
戊 多默奉命探傷，大呼吾主。




日記卷之二

七見身於十一宗徒

第 七 章。

耶穌臨慰衆徒去後。多默回衆告之故。多默曰。若我非目擊其兩手釘傷。并入吾手於其胸。必不信也。後八日。十一宗徒在聖堂中。耶穌復見。因招多默曰。爾來視吾手。爾指探我胸傷。勿懷疑貳。多默謹凜奉命。便視之。探之。更復受主恩內照。大呼曰。吾主。吾天主。於是耶穌藹然語之曰。汝見我方信。不若其不待見而信者爲眞福也。嗚呼。耶穌許此聖徒。疑其復活大故。夫豈無謂哉。蓋以一人一時之疑。預釋諸後來之疑。而以一人探其身傷。永爲萬世可憑信之證耳。故有聖賢詮之曰。多默猜疑之弱。較他易信之強。利吾聖教尤甚。得茲一人。蹠實爲後世鑒也。





甲 宗徒捕魚

海內終夜未

獲耶穌命張

網右旁果得

多魚

乙 宗徒知爲

耶穌俱亟登

岸

丙 伯鐸羅掣

罟至岸得巨

魚一百五十

三尾

丁 伯鐸羅見

岸上餅麪釜

爨等俱備因

共烹魚

戊 耶穌命衆

人同坐食之



十  
聖  
美  
善  
真

七  
上  
聖  
美  
善  
真

六  
上  
聖  
美  
善  
真

五  
上  
聖  
美  
善  
真

四  
上  
聖  
美  
善  
真

三  
上  
聖  
美  
善  
真

二  
上  
聖  
美  
善  
真

一  
上  
聖  
美  
善  
真

八見身於宗徒等七人

第八章

宗徒伯鐸羅。若望。多默。雅各伯。及聖徒納大。又教中二人。同出海捕魚。終夜未得。天既明。忽一人至岸。呼市魚。宗徒未識爲耶穌。答曰。無鬻者。曰。從右取之。從右果得大魚百五十三。若望首悟。因指市者向伯鐸羅言曰。斯卽吾主耶穌無疑也。伯鐸羅亟涉赴岸。耶穌命取魚來。伯鐸羅見餅麪釜鑿等物具備。因共烹魚。耶穌命衆坐。同食之。食後。問伯鐸羅曰。爾愛我。視衆更切乎。對曰。愛。再三復問。曰。吾主無所不知。則知我實愛也。耶穌囑曰。今而後。牧我羊。蓋付以教主大權也。又并示以其後來之事。伯

鐸羅既自明。因欲并識諸友之詳。乃指若望問曰。若斯者後將  
何如。耶穌曰。尙欲存之。以俟我再降世。亦何與於爾哉。汝惟從  
我可矣。衆徒聞之。遂傳言若望。將永存不死。然耶穌固未嘗云。  
不死。惟曰。尙欲存之。以抑伯鐸羅之妄詢耳。





甲 耶穌問伯  
鐸羅爾愛我，  
較他人更切  
否、

乙 伯鐸羅對  
以愛、

丙 耶穌命徒  
牧羊、卽指教  
衆、

丁 耶穌再問  
伯鐸羅愛否、

乃命牧牠羊、  
是表掌教大  
權、





甲 耶穌復活

後、第九次見

於宗徒、講論

天國事宜詳

諭聖教政令、

乙 加理勒亞

山、

丙 諸徒見耶

蘇舉皆俯拜、

丁 聖母聖女

等俱有見聞、



新刊四十日

在世四十日 章第九

耶穌復活在世。凡四十日。欲堅諸徒之信。自八見於海濱後。九則在城外山上。仍見於十一宗徒。十則見於宗徒次雅各伯。十一則見於諸奉教者五百人。屆升天日。則凡十二見矣。吾主四十日聞。

所以不常同諸弟子居。又不常顯見。蓋欲其漸習於不見。庶升天後。或少寬其憂思耳。所以必四十日者。在死中四十時。西土以四刻爲一時。今復生乃四十日。以示苦之時短。而慰之日長也。

四十日間。耶穌講論天國事。

視曩時所言。倍爲明妙。按西史所載者。詳諭聖教之政治。及此神國之法度。爰立聖教主爲衆神牧之長。授撒責耳鐸德七等之品。定七撒格。辣孟多之規。與其經言禮節。尤切諭彌撒儀旨。

種種垂訓。厥後宗徒敷教。一一依主所定。傳於萬世。不替不易。





甲

耶穌現於  
十一徒席間

責徒中有不  
信復生者、既

而諭恃聖神

力、敷教萬方、

因聖父聖子

聖神之名付

人聖水、

十一宗徒、

丙 信而受洗

者、必能永享

真福、

丁 因主名能

驅邪魔、

戊 惡異域音、

己 減龍蛇、

庚 飲毒不爲

辛 撫有病者

壬 即痊、  
害

聖美善真



升天第十章

第四十日。宗徒十一人坐食間。耶穌見身。責其中有偏執難信復生者。次撫慰之曰。爾宜同坐城中。不日我遣聖神降臨。爾等受其恩寵。加爾德力。然後爾等宜敷聖教於協露撒稜。與如德亞撒瑪利亞。以及遍天下諸國。爲我之見證。凡上天下地之權。俱已付我。故爾輩則宜往訓萬民。授之聖洗。因父。及子。及聖神之名者。凡我所命於爾者。諭之遵守。信而受洗者。必能永享真福。不信者必永墮。然信者自有明驗。因我名。必能驅魔。能言新語。飲毒者不爲害。撫有病者卽痊。蓋我日與汝偕。至於世之窮。

盡。言畢。率諸聖徒出郭。往阿理襪山。舉手降福於諸徒。聖軀倏爾上升。天神羣擁。古聖羣從。聖徒恍然。不勝懽愉。俱送以目。從以心。仰穹瞻戀。時有慶雲。自藉耶穌足下。隔於衆目。天神下迎。歌樂讚誦。耶穌肉軀。透諸重天。坐於罷德肋之右焉。蓋符先知達未豫言。爾以雲爲車。以登天也。

天神諭散衆聖

第十  
一章。

衆聖雖不見耶穌。猶或跪或立。尙在彼山。瞻望不忍捨去。乃有二天神。衣白如雪。降見於前。諭之曰。爾等加理勒亞之人。胡爲更瞻望乎。此耶穌從爾輩中升天者。日後依然從彼而來。審判



甲 耶穌率衆至阿理穢山  
 命敷教萬方然後舉身升天足跡印石上  
 乙 衆聖瞻視耶穌吾主從  
 崩降福  
 丙 白雲繞遮聖軀古聖同  
 升天國  
 丁 二天神自天而降現於衆聖報耶穌  
 已升天日後從天又降審  
 判存亡  
 戊 宗徒歸後聚於聖堂讀  
 領主恩望聖神臨格



主教者想業聖教編述雖誠誠矣聖職

其天聖復

之誠尚有言之誠誠

生死者也。衆聖得諭。遂歸祈禱。俟聖神降臨焉。

升天聖所

第十  
二章

耶穌從阿理襪山升天。按西史。其聖足之跡。尚在石上。如鐫刻然。萬國信者。每往朝拜。且削其石末。醫療百病。而其石千數百年。未嘗少損。足跡渾全如初。有本國信者。欲其久存。以寶玉嵌飾之。乃一加其上。倏忽脫去。又有尊貴數人。建一高大聖堂。不用寸木。全以美石。穹窿合頂。頂心正對聖跡處。有孔。壓以巨石。輒自去。至今仰見天也。

聖神降臨

第十  
三章。

吾主將升天時。預命宗徒曰。若翰以水授洗。爾輩不數日。必受聖神之洗也。旣蒙神能。則當爲我證於協露撒稜。如德亞。撒瑪利亞。以及大地八極。宗徒如命。乃偕聖母。及諸聖徒。百二十餘人。聚會於都城。初立聖體之堂。祈望大恩。踰旬日。倏聞天響。如烈風衝室。隨有舌形火光。現於諸聖頂上。諸聖被滿聖神。洞透萬理。能言萬國方言。隨聖神所與之言者。



甲 聖母宗徒

及教衆共聚

一堂，祈聖神

降臨。

乙 聖父聖子、

遣聖神降臨、

托火舌形、現

於諸聖頂上、

丙 伯鐸羅初

次講道、三千

人歸化、

丁 宗徒分往

四遠、敷教萬

方。

聖美眞善

仁輔



PULCHRITUDINIS VERITAS

宗徒敷教萬方 第十  
四 章

宗徒蒙受異恩。心中不勝神火燔灼。卽矢欲敷闡聖教。拯拔羣迷。不辭勞苦。以爲之。不戀身命。以證之。謝恩畢出。談道時。如德亞都會。凡天下各國之人。或爲瞻禮。或爲貿易。無不輳聚。衆聞伯鐸羅。及諸宗徒所言。皆各聽其本國語音。殊駭愕。伯鐸羅乃詳引古經。以證耶穌實爲救世眞主。而衆誤殺之。衆人聞言心悔。向伯鐸羅曰。今將何修。伯鐸羅曰。亟須悔補其罪。而領聖洗。因耶穌之名。卽得罪過之赦。而亦領聖神之恩矣。當日隨有領洗者三千人。越數日。歸化者又五千餘人。從此恒訓恒化。信從

漸廣。於是宗徒會議。分往四遠。普訓兆民。自是絲邇暨遐。鐸聲無處不到。而天下萬邦。咸聞天國好音。聖教淳然興。沛然行矣。

詳見宗  
徒行實



甲 伯鐸羅宗

徒長代耶穌

統理普天教

務

乙 諸宗徒公

議後分行天

下敷教萬方

丙 耶穌十字

架教中聖號

救世階梯





Maison Mère des Soeurs  
MISSIONNAIRES DE L'IMMACULÉE-CONCEPTION  
2000, Chemin Sainte-Catherine  
Montreal, Quebec